

თელავის მუნიციპალიტეტის საკრებულოს
სივრცით ტერიტორიული დაგეგმარების, ინფრასტრუქტურის და ბუნებრივი რესურსების
კომისიის სხდომის

ოქმი N 1

ქ. თელავი

2022 წლის 21 იანვარი

თავმჯდომარეობდა: კომისიის თავმჯდომარე: ლევან კოჭლოშვილი

სხდომას ესწრებოდნენ კომისიის წევრები: დავით ღალანიძე, ზაზა ტატულიშვილი, გიორგი
ქართლელიშვილი, მამუკა ბურდიაშვილი, ალექსანდრე კუპატაძე,
გელა ჭვრიტიძე, რამაზ ჩეკურიშვილი.

სხდომას აგრეთვე ესწრებოდნენ: თელავის მუნიციპალიტეტის საკრებულოს საფინანსო-
საბიუჯეტო კომისიის თავმჯდომარე ზურაბ ლილუაშვილი,
თელავის მუნიციპალიტეტის საკრებულოს სამანდატო-
საპროცედურო და იურიდიულ საკითხთა კომისიის
თავმჯდომარე ლევან ბერძენაშვილი, თელავის მუნიციპალიტეტის
საკრებულოს სივრცით ტერიტორიული დაგეგმარების,
ინფრასტრუქტურის და ბუნებრივი რესურსების კომისიაში
მოწვეული სპეციალისტი დავით ნუსხელიძე, თელავის
მუნიციპალიტეტის მერიის მეგლთა დაცვის განყოფილების
უფროსი ლიკა ალადაშვილი.

დ ღ ი ს წ ე ს რ ი გ ი:

- თელავის მუნიციპალიტეტში 2022 წელს განსახორციელებელი ძეგლთა დაცვის პროგრამის დამტკიცების შესახებ პროექტის განხილვა.

მომხს: ლ. კოჭლოშვილი

- თელავის მუნიციპალიტეტის საკრებულოს სივრცით ტერიტორიული დაგეგმარების, ინფრასტრუქტურის და ბუნებრივი რესურსების კომისიის 2022 წლის სამუშაო გეგმის განხილვა.

მომხს: ლ. კოჭლოშვილი

მოისმინეს: 1. თელავის მუნიციპალიტეტში 2022 წელს განსახორციელებელი ძეგლთა დაცვის პროგრამის დამტკიცების შესახებ პროექტის განხილვა.

აზრი გამოთქვეს: ლევა ალადაშვილმა კომისიის წევრებს გააცნო მუნიციპალიტეტში 2022 წელს განსახორციელებელი ძეგლთა დაცვის პროგრამა. როგორც მან აღნიშნა პროექტით გათვალისწინებულია სოფ. რუისპირში მდებარე ისტორიული ძეგლის-„ადამანთ ციხის” რეაბილიტაციის საპროექტო-სახარჯთაღრიცხვო დოკუმენტების შესყიდვა, ხოლო სხვა ობიექტებზე საპროექტო-სახარჯთაღრიცხვო დოკუმენტების შესყიდვასთან ერთად მოხდება სამუშაოების შესყიდვაც.

„ადამანთ ციხის” საპროექტო-სახარჯთაღრიცხვო დოკუმენტების შესყიდვა მოხდება მიმდინარე წელს, სამუშაოების შესყიდვა კი 2023 წელს, ხოლო დანარჩენ ობიექტებზე საპროექტო-სახარჯთაღრიცხვო დოკუმენტების და სამუშაოების შესყიდვები განხორციელდება 2022 წელს.

ლევან კოჭლოშვილმა აღნიშნა, რომ წარმოდგენილი პროგრამიდან განსაკუთრებულ ინტერესს იწვევს სტორისა და ლოპოტის ხეობის სოფლების არამატერიალური კულტურული მემკვიდრეობის კვლევა, რომელიც ტარდება პირველად და საინტერესო შედეგებს უნდა ველოდეთ.

ლევან ბერძენაშვილმა აღნიშნა, რომ აღჭურვილობასთან დაკავშირებული და სხვა სახის ხარჯები (10 000 ლარი) იყოს გაშიფრული, რასაც დაეთანხმნენ კომისიის სხვა წევრებიც.

გადაწყვიტეს: თელავის მუნიციპალიტეტში 2022 წელს განსახორციელებელი ძეგლთა დაცვის პროგრამის დამტკიცების შესახებ პროექტი წარედგინოს თელავის მუნიციპალიტეტის საკრებულოს ბიუროს სხდომას განსახილველად.

მოისმინეს: 2. თელავის მუნიციპალიტეტის საკრებულოს სივრცით ტერიტორიული დაგეგმარების, ინფრასტრუქტურის და ბუნებრივი რესურსების კომისიის 2022 წლის სამუშაო გეგმის განხილვა.

აზრი გამოთქვეს: ლევან კოჭლოშვილმა კომისიის წევრებს გააცნო 2022 წლის სამუშაო გეგმის პროექტი.

მან აღნიშნა, რომ წარმოდგენილი გეგმის მიხედვით გათვალისწინებულია მნიშვნელოვანი საკითხების შესწავლა, განხილვა და გადაწყვეტა, რაც უფრო შინაარსიანს გახდის კომისიის მუშაობას და ხელს შეუწყობს მუნიციპალიტეტში 2022 წელს დაგეგმილი პროექტების განხორციელებას.

გადაწყვიტეს: თელავის მუნიციპალიტეტის საკრებულოს სივრცით ტერიტორიული
დაგეგმარების, ინფრასტრუქტურის და ბუნებრივი რესურსების კომისიის
2022 წლის სამუშაო გეგმის პროექტი წარედგინოს თელავის
მუნიციპალიტეტის საკრებულოს ბიუროს განსახილველად.

კომისიის თავმჯდომარე

ლევან კოჭლოშვილი